



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu”



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 16

Ramhlun North: Ni 18 April, 2026

BRANCH THU THAR

■ Mizoram People's Forum, Ramhlun North Local Forum te hnenah ₹ 5,000/- pek an ni.

■ Music Room thawm that tura hmalak mek a ni a, heta tan hian ₹ 35,000/- dah a ni.

■ Pu L. Chhuanliana te chhungin an fapa, Darhmingthanga hriatrengna sana an pek, Committee Room a tar chu a that tawh loh avangin a thar tha zetin an rawn thlak a, RNYMA chuan an chungah lawmthu kan sawi e.

■ Leng dial dial thianho group chuan Eddy Lalmuanthanga (Fam) s/o Dalkhena (Fam) hriatreng nan wawin khan thlan pahnih an lai a, an chungah RNYMA chuan lawmthu a sawi.

SECTION THU THAR

■ **Chawngbawla Section:** Ni 21.4.2026 (Thawhlethni) zan ah committee neih tum a ni a, member-ten hun remchang lo insiam nise.

■ **Khuangchera Section:** Rûnmawi chung rawng kah that tura hmalak mek a ni a. Tin, remchang hmasa berah bungraw enfel pah a hnatlang neih tum a ni.

SUB-COMMITTEE THU

■ **Library sub-committee:** April ni 9, 2026 zan atangin library membership drive neih tan a ni a, chhungkaw tin te tlawmngaia member ni zel turin an sawm a ni.

Heng mite hnen atang hian lehkhabu kan dawng:

1. Pi Vanlaldini V-Sec.
2. Pu Henry V.L. Nghinglova Zote, BECM.

Tin, Pu Kawlnipua hnen atangin eitur kan dawng baw a, thilpek min petu zawng zawng te chungah lawmthu kan sawi e.

Library duty turte:

1. D. Lianmanga, S-Sec.
2. Lawmsangpuii, S-Sec.
3. Timothy Lalbiakrema, S-Sec.
4. Josephine Lalthazuali, S-Sec.
5. Lalrokimi, S-Sec.
6. Lalremruati, K-Sec.

GENERAL ELECTION TO AIZAWL MUNICIPAL CORPORATION, 2026 (Corporator kan thlang dawn)

Ramhlun North, the 18th April, 2026: Ni 21 April 2026 (Thawhlethni) hian Aizawl Municipal Corporator kan thlang dawn a. Ramhlun North hi Ward III ah kan awm a. WARD III huamchhungah hian vêng panga, Ramhlun North, Ramhlun Venglai, Ramhlun Vêngthar Ramhlun Sports Complex leh Laipuitlâng te kan awm a ni. Tun tum inthlan turah hian kan ward ah hian candidate pathum an awm a, chungte chu :

INC : Lalremruata Renthlei, Ramhlun North

MNF : K. Romawia, Ramhlun North

ZPM : Vanlalfaka, Ramhlun North

Inthlan hi ni 21.04.2026 (Thawhlethni) zing

dar 7:00 ah tanin tlai dar 5:00 thleng vote thlak

theih a ni ang a, vote thlak tur ten Elector's Photo

Identity Card (EPIC) ken tur a ni a, a nei remchang

lo tan sawrkar pawmpui/pêk chhuah document

dang ken tur a ni. MPF te Polling Station pâwnah

an duty dawn a, mahni serial number hre lo leh

harsatna neite pui turin an awm ang. Ramhlun North ah hian Polling Station pathum a awm a,

hetiang hi kan vote thlakna hmun tur a ni:

1. Govt. Aizawl North College Polling Station a vote thlak turte : Part I (Vanapa Section) leh

Part III (Taitesena Section) huamchhunga electoral roll a chuang te.

2. Govt. Model P/S, Ramhlun North Polling Station a vote thlak turte : Part II (Chawngbawla

Section) leh Part IV (Neuva Section) huamchhunga electoral roll a chuang te.

3. Govt. Endala M/S Polling Station a vote thlak turte : Part V (Saizahawla Section) leh Part VI

(Khuangchera Section) huamchhunga electoral roll a chuang te.

Home Voting dilna 102 lut atangin voter 101 in tluang takin vote an thlak tawh a ni. Vote

chhiar hun tur hi ni 27/04/2026 (Thawhtanni) zing dar 8:00 atangin a ni ang.

RAMHLUN 'N' VOTERS DINHMUN

PART NO.	VOTER AWM ZAT
I	1144
II	974
III	1084
IV	507
V	649
VI	798
TOTAL VOTERS	5156

CENTRAL YMA WEBSITE (centralyma.org) CHU TLANGZARH A NI

April 8, 2026 khan Central YMA Website thar (centralyma.org) chu Central YMA President, Pu R. Lalnghe'ta'n a tlangzarh a. He website hi Arsi Consultancy te chuan Central YMA tana a thlawn a an siamsak a ni.

Website tlangzarh rual hian a enkawl zui dan tur leh inremna thuthlung (MoU) ziahna hun hman nghal a ni a. He inremna thuthlungah hian Arsi Consultancy aiawhin Pu Thangrobul Infimate, CEO leh Pu Christopher Lalmuanpuia, Business Operation Manager ten hming an ziak a; Central YMA aiawhin Pu R. Lalnghe'ta, President leh Prof. Malsawmliana, General Secretary ten hming an ziak thung a ni.

He website thar hian Central YMA hmalakna hrang hrangte vawng tha zui in, mipuite tana chanchin thar hriatna hmanraw tangkai tak a nih ngei beisei a ni.

He website thar chhungah hian mipuite tana hriat tur pawimawh leh tangkai tak tak tarlan a ni a. Central YMA Office Bearers (OB) leh CEC member-te thlak leh an biak pawh theihna tur phone number-te chu uluk taka dah a nih bakah, Central YMA hnuaiia Sub-Committee hrang hrang member-te leh Branch hrang hrang YMA hruaitute contact number thlengin tarlan vek a ni baw.

Branch YMA te tana chhenfakawm tak turin, he website-ah hian Zualko (mitthi chanchin/flyer) mitthi hming, veng leh thlak bakah an in awmna lai thlak (map) te thlengin a ziahluh theih dawn a. Zualko (flyer) hi hmun danga post chhawn leh hman leh a awlsam nan download mai theih tura buatsaih a ni a, format chi thum tura chhawpchuah niin, mahni duh ber thlangin a lakchhuah (download) nghal theih dawn a ni.



FÍM TAKIN AWNIANG

Kan hma lawkah Aizawl Municipal Corporator kan thlang dawn a, inthlan lo awm tur hi kan khawpui hmasawna tura thutlukna siamna hun pawimawh tak a ni. He inthlanah hian mipuiten mawhphurhna sang tak kan nei.

AMC inthlanah hian political party hrang hrang ten manifesto an nei thin a, hmalak an tumna hrang hrang te hi mipuite hna an in zawrhna leh intiamna pakhat a ni. Mipuiten heng an manifesto-te hi uluk taka zir chiangin, kan khawpui tana tha ber tura kan ngaih party leh hruaitute kan thlan a pawimawh.

Kan khawpui hi hmasawn zel tura duan a ni a, chumi atan chuan hruaitu tha leh rinawm kan mamawh. Hruaitu tha chuan khawpuia chengte mamawh leh harsatnate hria in, chumi chinfelna tura hmalak dan tur ngaihtuahin, a taka thawk chhuak tur an ni. An thil tih leh an thu sawi reng reng hi ram leh mipui hmasawna a ni tur a ni.

Vote hi kan khawpui dinhmun tidanglam theitu thil hlu tak a ni. Chuvangin, vote thlak loh hi khawpui hmasawna tur thil tha ti duh loh ang hial a ni thei. Chu bakah, vote nei tawh phawt chuan vote thlak hi kan dikna a ni a, he dikna hi eng thilah mah hralh loh tur a ni. Sum leh pai, ei leh in, emaw thil dang eng pawh laka mahni inzuar hi mahni hma hun tichhetu leh kan khawpui hmasawna daltu lian ber a ni. Mipuiten huaisen taka thutiam dik lo leh thamna kan hnar ngam hian politics thianghlim kan din tihna a ni a, chu chuan hruaitu tha a hring chhuak thin.

Ka tan enge hlawk ang tih aiah kan khawpui tan enge tha ang tih kan ngaihtuah zawk tur a ni a, mimal hamthat tumna aiin khawtlang thatna thlir chung a vote thlak turin mipuite kan inbuatsaih a tul. Kan vote khat hian kan khawpui hmel a ti tha in a ti bal thei a ni tih hriain puitling tak leh rilru fim tak pu chung a kan mawhphurhna hlen turin i inbuatsaih ang u.



KHAWTHLIR

DAR HÛAI

Mizo te hian Dar chi hrang hrang kan nei a. Darkhuang, Darmang, Darbelev, Saraidar, Chepadar, Pawngmawngdar, Darsumtel, Liandodar, Sukchindar, Kawlkendar, Selbuangdar, Keihawldar, Tuaichawngdar, Siallamdar, Haizangdar, Dawlpadar, Khawhaldar leh a dang tam tak kan nei awm e. A then chu an hmingthan viau laiin a then erawh kan hre lar lem lo in a rinawm. Heng kan tarlan tak zinga mi Dar huai chanchin tlem i lo thlur dawn teh ang.

He "Dar Hûai" chanchin ka sawi tur hian thawnthu pahnih hrawnin, vawi engemaw zât chu a kal kual tawh niin a lang. He Dar Hûai hi Darkhuang tiat laia lian, tum pawn pathum lai nei a ni awm e. A hmingah Dar huai an tih khêma chhan hi sawi dan chuan khum hnuaiiah emaw, banglai velah an dah mai thin a, chumi an dah chuan tu tum mah ni lo hian a ri leh vung vung mai thin nia sawi a ni. Chumi avânga "Dar Hûai" tih a ni.

He Dar hi a neitu hmasa nia sawi chu Singaia, Chawngthu thlahtu kha nia sawi a ni. Singaia hi mi zah kai leh mifel tak nia sawi an awm laiin thawnthu erawh chuan sumdawng nia sawi a ni bawk. Hemi hunlai hi kan Pi leh Pute Burma rama an khawsak hunlai Rûn lui kam vela an awm hunlai thlang an rawn tlak thlak hma hrêt kha a ni.

Thawnthu chuan Singaia hi Saphai dawlh nia sawi a ni a, chumi Saphai chuan Dar Huai leh Dar dang eng emaw zât chu a dawlh tel a. Liandova te unau hi pa thih san leh nuin pasal a um san, rethei taka awm leh mi hmuhsit an ni a. Tum khat chu an khua in an ram chhuak a, kâwr pakhat hian Saphai lianpui Singaia dawlh tua sawi hi a luikawr kham zawngin a awm ruah mai a. Saphai a ni tih hre lo chuan an zawh ta hlawm a. A hnuhung berah chuan Tuaisiala chuan a han zawh ve chu an thingluang zawh chuan Mit nei hian a hre ta tlat mai a. A hma a mite hnenah a han sawi chuan awih lo tak chungin an han enchiang chu saphai lian em em hi a lo ni a, khawtlang chuan an bei ta a. Tichuan an that a, a sa chu an insem ta a. A hmutu Liandova nau Tuaisiala te unau chu a sa tha lai pe phal lovin a pumpui chu an pe a. Lui kâwr hla takah chhukpuiin, chu Saphai pumpui chu an han theh chuan Dar tam tak leh Dar Hûai chu a lo awm a. Tichuan khaw en lai pawha khua lut ngam lovin zanah khua chu an luhpui ta a ni.

Liandova hi khaw khat Lal nia sawi a ni a. Liandova thih hnu hian Tuaisiala chuan an ro neih te khawmin hausa taka a awm lai hian

mi tute emaw chuan zu a hrai ruiin a ruih hnuah chuan an that ta a. A ro zawng zawng chu an laksak ta a ni. Hei hi Rûn thlang lam leh Tiau an rawn kan tawh hnu niin a lang. Heta ro tam tak hi khaw chhak lamah phurh chhoh an tum lai hian engtin tin emaw Chawngtleng Lal Hauchema chuan a la khawm ta ni mai hian a lang. Chung hunlai chuan Chawngtleng Lal Hauchema hi hausa leh awm thei tak ni-a ngaih a ni.

Pangzawlah hian Chawngvungi, Chawngthu hnam, hmeltha tak hi a awm a. A pa hian a thihsan hma avângin a nu chuan a hmeithaipui a. A to in rimtu pawh a ngah thei hle mai a. Hemi hunlai hi Kum 1700 AD hnu lam atânga 1800 AD inkar bawr vel kha nia chhut a ni. Pangzawl khua hi Hrangkhupa Lal-a a thutna khua a ni a. In 400 bawr vel zet nia sawi a ni.

Chawngvungi rim tur hian Chawngtleng Lal Hauchema fapa Sawngkhara chu a va thawk chhuak ve ta a. Sawngkhara hi a hmelchhiat em avângin Chawngvungi hian a lo be? ha duh lem lo niin thawnthu chuan kan hmu. Nei theia a hriat tak loh hnuah Zawlaide hmangin Chawngvungi neih dan kawng chu a dap ta a. Harsa tak chungin Zawlaide chu a nei thei ta mial a. Tichuan Zawlaide chuan a zawlthlu ta a.

Heta inneih tuma palai Sawngkhara tirthe hnenah hian Chawngvungi nu hian Dar Huai hi a manah chuan a ngen ta a. Palaite chuan thil dang ngiat zawk tura an tih pawhin Chawngvungi Nu hian a remtih loh avangin 'Inremloh ai chuan ni mai rawh se' tiin Dar huai chu pek an remti ta a ni.

Chawngvungi nu hian he dar hi a kawl rei lo a ni mai thei, Pangzawl Lal Khawsaia fapa Vantawnga 1810 AD atanga 1860 AD ah kha a kawl nia hriat a ni.

Hemi hnu hian he Dar huai hi Sailo Lal Savunga chuan a kawl veleh a. Harsatna tam tak leh chhiatna a thlen fo thin niin sawi a awm a. Rei a kawl hman lo, chu Dar huai chu Savunga kawl hnuah Sailo Lal bawk Lalburha chuan a kawl veleh ta a. Rei pawh a kawl hman lo tihah chuan ro dang tam tak te nen Lal in chu a kang ta mai a. Chumi hnu chuan a chin hriatziina a awm ta lo a ni.

He Dar huai hi Singaia'n a thih phah hnuah Tuaisiala'n a thih phah leh a. Chumi hnuah Chawngvungi'n a thih phah veleh bawk a. Hri leh tam bakah chhiatna tam tak a thlen thin a, a hmingah pawh Dar huai tih hi a inhme hle awmin a lang.

Thawnthu pahnih chhungkhungin, Lal pali lai mai a hrawn bawk tih kan hmu thei a. He dar huai hi Run vela an khawsak hun atânga thlang an rawn tlak hnu thlenga awm thawnthu inthlan chhawn leh chhuidawna atânga chhut a ni.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Pu Lalrochama, Vice President, YMA Sub Hqrs. Mamit Inkhawmpui Reiek a neih hman pui leh Inthlanpui a kal chu a lo haw leh ta. He hunah hian Nl. Lalnunfeli, K-Sec. pawh zai tura an sawm a nih angin a kal.
- Pu H. Lalthazuala, BECM, Kolasib a lungphun a kal chu a lo haw leh ta.
- Pu BK Lianmanga, K-Sec. Fin. Secretary, Kolasib a chhungkaw pawimawh a kal chu a lo haw leh ta.
- Pi Zairemtluangi w/o F. Vanlalfela, C-Sec. chu Vellore-ah in check-up turin an kal.
- Pi Lalmuanpui d/o H. Lalthanga (Fam) C-Sec. chu Kolkata-ah in check-up turin an kal.
- Pu C. Lalhuliana leh Pi Hrangzikpui te nupa, N-Sec. chu chhungkaw thilah Winchester-ah an zin.
- Tv. Jeffrey C. Lalawmpuia s/o C. Lalmangaiha, C-Sec. Pune-a hnathawk a awm chu a lo haw.
- Pu F. Vanlalruata leh Pi Lalramnghaki Hlawndo, V-Sec. te Champhai a chhiattawh avanga zin chu an lo haw leh ta.

CENTRAL YMA THU

- **Central YMA Ruihhlo Do Report:**
April 11 - 17 chhunga Central YMA hnuai Ruihhlo Do Pawl, Central Anti Drugs Squad (CADS) ten ruihhlo leh a kaihnhawih an man te.
No 4 (Hawng) - 22
No 4 (tictac) - 38
Codeine. - 770 Bur
Ganja. - 7 kg. 596 grams
Ruihhlo Kaihnhawih ah hian mihring 41 man niin Excise & Narcotic Deptt ah mi 3 pek an ni a, mi 38 te Counselling class kal tir an ni.
- Minister, LESDE Deptt. chu Training & Youth Affairs Sub-Committee ten a Pisa-ah an hmu a, Central YMA nena tangduna thalaite tana thil engemaw training buatsaih ho chungchang an sawipui. He hunah hian Tv. C. Lalthlamuana CEC, Pu Keneddy R. Malsawma CEC te bakah Pu Lalmuanawma Fanchun, Pu Vanlalduhawma Pachuau Training & Youth Affairs Sub-Committee member te an tel.


Hnaruak (1-1)
Dawr nghak tur mifel leh rintlak mamawh a ni a. Veng chhung/hnai te duhsak an ni ang. Hre Chiang duh tan Whatsapp/Call/Dawr-ah zawh chian theih a ni e.
Lungchuang Trades, Ramhlun North, Near Zangena Petrol pump
Phone: 9436757708

DAMLO

- Pi C. Ronguri, N-Sec. Aizawl Hospital-a Thyroid zai chu in lamah enkawl chhunzawm turin a lo chhuak.
- Pi Manluni w/o TK Kapa (Fam), S-Sec. chu Awmvel natna vangin in lamah enkawl mek a ni.
- Pu FK Lawmsangzuala, N-Sec. chu ha na avangin ZMCH ah enkawl mek a ni.
- Pu C. Rosiama, V-Sec. chu an building step-ah a tlu sual palh a, Nazareth Hospital-ah admit a ni.
- Tv. PC Lalmuansanga s/o PC Lalrinmawia, V-Sec. chu semi heart attack avangin Ebenezer Hospital-ah admit a ni.
- Pi Lalmalsawmi w/o Pu Lalhriatpua V-Sec. nupui chu a mit a lungte awm an zai.
- Pi Lalsangliani m/o Zaithangpui, N-Sec. chu ban ruh khi avangin in lamah enkawl mek a ni.
- Pu Lalrawna, V-Sec. Synod Hospital, Durtlang a dialysis ti a awm chu a lo chhuak leh ta.
- Noah Vanengmawia s/o Lalnunmawia, C-Sec. chu beng lam thatlohna avangin in lamah enkawl mek a ni.

PAWL DANG

- **Ramhlun North Football Club:** RNFC Academy chungchang a hriattur pawimawhte:
1. Academy tan hun tur May ni 4 Thawhtanni zing.
2. Academy fee tur te:
Registration fee - Rs.500
Monthly fee - Rs.300
Jersey suit man - Rs.500
3. Academy a age group te awm tur te:
U - 8, U - 10, U - 12 leh U - 14
4. Admission tihna hmun tur te
Pu Zodinga - 9862109271
Pu Thantea - 9862375861

MIPUITE NGENNA
Aizawl khawpui chhungah chhiarpui (Census 2027) First Phase (House Listing and Housing Census) kalpui mek a ni a, hlawhtling taka neih a nih theih nan mipuite tanpuina kan ngen a. A hnuai tarlan te hi min tihlawhtlin sak thieh chuan kan lawm hle ang.
1. 1-15 April, 2026 chhung hian mahnia inziahlhna (self enumeration) hun hawn a ni a, chhung tin aiawhte a hnuai link kaltlang hian lo inziak lut vek tura ngen kan ni.

<https://se.census.gov.in>
2. 16 April-15 May, 2026 chhungin Enumerator ten in tinah lutin chhiarpui First Phase an nei dawn a, chhungtinten tha taka lo dawngsawng a, zawhna te tha taka lo chhang turin kan inngen a ni.
Aizawl Municipal Corporation

KEIMAHNI

- Rhoda Lalremruati d/o C. Laldampuia, V-Sec. chu Agent atan ruat thar a ni.
- Lalruatdiki d/o Lalmuansanga, N-Sec. chu Agent atan ruat thar a ni.

LAWMAWM

- R. Zonunmawia, Branch Adviser leh C. Lalmachhuani, Zemabawk te chu ni 17.4.2026 (Zirtawpni) khan Ramhlun East Presbyterian Kohhran Biak In ah an innei.
- Pu Lalruatsanga, C-Sec. chu Aizawl District Tennis Association General Secretary 2026 -2028 atan thlan thar a ni.
- Pu Lalremruata Hauhnar leh Pi Vanlalmuanpui te nupa, C-Sec. chuan Synod Hospital, Durtlang ah ni 16.04.2026 khan fapa an nei.
- Pu Biaksailova leh Pi Lalngaihawmi, N-Sec. te chuan ni 12.04.2026 khan Synod Hospital, Durtlang ah fapa an nei.

KOHRAN

- **Presbyterian Kohhran, Ramhlun North:** Ni 24-26, April, 2026 chhung hian Ramhlun North Pastor Bial Inkhawmpui Vawi 45-na neih a ni dawn.

KTP ten Sports an nei mek a, vawiin nileng khan Outdoor Sports, Sairang ah an nei. Thawhtanni zan hian Sports kharna hun an hmang ang.

- **Presbyterian Kohhran, Ramhlun East:** Ramhlun East Branch KTP te chuan vawiin nileng khan Armed Veng Field ah Outdoor Sports an nei a, tun Thawhtanni zan hian sports kharna hun an hmang dawn a ni.

- **Roman Catholic:** Easter Season lai a nih angin hemi hun chhung hian Ramhlun Bial a In zawng zawng ah te Puithiam te kal kualin house blessings zan lamah an nei chho thin.

- **Salvation Army:** Dt. 19.4.2026 (Pathianni) hian YP Rally, Central North Division Group 8 (Ramhlun CO Bial leh West Lungdar CO Bial) chu Ramhlun Corps ah neih a ni dawn.

- **BCM, Ramhlun North:** April ni 18, 2026 hian Makedonia Chanchinbu piancham vawi 55-na chu BCM Ramhlun North Kohhran Hall ah neih a ni a. Makedonia Chanchinbu lama sulsutu leh buaipui thintu pawimawh tak takte an tel a ni.

Pathianni hian Pastor Bial fan programme an dawng dawn a, zing inkhawmah nau hlanna neih nghal tur a ni ang.

MM LAUNDRY (2-2)
WET & DRY CLEANING

LAUNDRY	
Blanket Single	₹150 - ₹250
Blanket Double	₹250 - ₹350
Rizal Single	₹100 - ₹150
Rizal Double	₹150 - ₹300

DRY CLEAN	
Coat/Blazer	₹250
Over Coat	₹300
Jacket/Sweater	₹200

Pick and Deliver kan ti thei bawk e.
More Information
+91 90895 26197
RAMHLUN SOUTH



ARTICLE

RIMAWI RAM

- MSA Khawhling, K-Sec.

" Kan Zoram rimawi ram leh thianga karah,
Herhsè khiang leh ngiau pâr rîmin min thâwi;
Lunglèn zual tukram chul hlui fan ni hian,
Thûva di zun zaiin nênte'n lo âwi."

Kan hmâa mi huai kal tâ, Pu Vânkhama (FAM) khân hlâa a lo châwi angin Mizoram chu ramhnuai ngaw pilril chhûngah pawh mahniin kal mah ila hêng sava hrâm rîte hian khua a tihar lo chang ni lo vin nun a tihlim a, nun nawmzia leh hahdamthlâkzia (escapism) min hirih. An nih dân dânin Siamtû chu an fak a, a thenin an bass a, a thenin an tenor a, a dangin 'contralto part' an sa bawk a, a va mâwi em ! Hei lo liama lei "eden" a awm thei dawn em ni? Ka ngaihlâ vang vang a, 'D suspension 4' ni âwm taka ri chhuak te, a thente erawh 'C minor 6' ni te pawhin ka hria.

"**Ka bing ka bawh ka bâi thul...**" Ka kal zêl a, khenpui rah tlân leh hnahzût hmin tûarh mai rah tlân an lo awm a; chu chu a ni. Anni tân chuan an "restaurant" changkâng ber ber an ni tlat asin. An lo thu (fû) a, thlangvahârbeh rual ho chuan thiam hla an lo sâ.... Ka ngaihlâ a, "Ka bing ka bawh ka bâi thul," an lo ti a nih chu. Pu Rokunga (fam) khân "rimâwi ram" tia kan ram a lo phuahna kha a takin ka hmû a, 'a nâkah ka zen' a ni ber e. Mâwi tak a ni... A piah deuhah chhimhruk rah tlân an lo awm bawk. Tlaiberh hlim thâwm inchhahih kual kâwi vel chu rimâwi a tling, ka bengah chuan. Chutah an puar hrâm ri chuan, "Practicable....practicable....practicable.." tiin an hrâm. Pakhat nilum ai chuan thing lêt atângin "Keitum.....keitum....." tiin a lo hrâm bawk a. An hlim lutuk inchhahih thlâwk paha.... "Praitorian...Praitorian...." tia hrâm chung a râl lehlahm ngâwa an thlâwk hmuhte chuan thlawh theih ve min tichâk hial.

Kan 'farm' (thingpui huan) ka va thleng thei hrâm a. Ka hna thawh pahte chuan ngaw lam bawk chu ka thlîr a, zârpui leh zarnauin "hling kuai rawh hling kuai rawh ral lehlahmah ral lehlahmah," an lo ti rite pawh chu ka hria. Aw hengte hi kan ram timâwitute an ni a. YMA-in nungcha humhalh kum puana an neih hma daih tawhin kan ram chu rimâwiin an lo áwi a. Thlai chí ni se an pu darh a, thlâi chí a lo tiak a, min lo va pui nasa em!

"**Shoot with camera, not with a gun**" Silai ni lovin i camera khân tin tawh zâwk ta che. Ak la, AK-47 aiin a thâwm a nâ a nia aw... Ri 'dur' thin kha ri 'khepin' a rawn thlâk tâ. An hlimthla lah chu "calendar"- ah a lo lang a, kan en ning lo. Sawi sên an ni lo, a then chauh âw.... Vazûn, vazâr, chhâwlhring, vapual, vachiap, tuklo, adt. Kan ram timâwitu nungchate hi humhalh ila, SILAIMÛ hmanga an sâ ei châka kan pêt thinte kha SAVABÛ kan siamsak tawh zâwk ang a, an tân chuan "paradise" a ni ringawt ang.

"**Ka hril sêng lo ka puang zo lo....**" Ka hna pawh thawk zovin in lam pana ka hâw mêk laite chuan 'an thâwm mitdelte hriat khawpin' tih ang mai khan chú hmun chu rimâwiin a hualvêl ram a ni ringawt. 'Ka hril sêng lo ka puang zo lo' a ni ber e. In pawh ka thleng leh tâ, an hrâm rî erawh a reh a, khua a har a, mahse kan ram, Mizoram ngèia an lo zalên thar leh tâ hi ka va lâwm si em! Ti chung zêlin thingpuien hâng chu nui vur vur chungin ka in ta khawlh khawlh a.

VANLALFELA SEPTIC TANK

Septic tank paih fai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e.

Contact: 9436199884 (10-1)



ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327 (10-4)

TLUANGTEASEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373
C/o Marina: 9436140350 (5-3)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. Registration: MRS 542
Contact: 9862476439 (10-7)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chung lutin, a neitu te lungawi na thlap in kan thawk thei e thawk thei e

Contact - 9862344971 Bawngkawn South (20-19)

PUIASEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: INBIAKREMNA Ph: 6909266562 (10-2)

MAFELASEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-7)

SAWMA SEPTIC TANK SERVICE

Septic Tank khat paih fai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364 (10-1)

VANCHHAWNG SEPTIC TANK

Septik tank khat englai pawh in kan paih fai thei a, repair, commod block, pippe block kan siam thei bawk e,

Rate: inbiakremna Ph. no: 9615458679 (10-1)

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077 (10-1)

Regd.No. RF/MZ-768 of 2025 - 2026

K-9

SEPTIC TANK CLEANING & B/M
BIODIGESTER INSTALLATION
PVT.LTD.

(3-1)

Address : J-77, Republic Venglai, Aizawl

Proprietor : K.Lairinfela Contact : 8414881997 / 8837345465

1. Tunlai thiamna hmanga Septic Tank siam B/M Biodigester Septic tank kan khawih thei reng e
2. Biodigester bikah department lam rawn kher lo a direct a biak theih kan ni e.
3. 24 hrs chung a biak theih reng kan ni e.
4. Kum 20 chuang experience nei tawh kan ni.
5. Comode fitting leh plumbing thlengin kan khawih thei e.
6. Biodigester installation (10-50 users) rate hi concern Department: (PHE) estimate siam anga thawh zel a ni.
7. Gov't Approved kan ni e